



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 17/11/2021

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Cultes & Gesondheet weiderzeleeden.

Den 10ten November hunn de Premier an d'Santésministesch sech mat de Verrieder vun der Glawensgemeinschaften zu Lëtzebuerg getraff, fir iwwert déi aktuell sanitär Situatioun ze schwätzen. Een Thema war och wat d'Reliounsverrieder maachen, fir d'Verbreedung vum Virus an hire Gemeinschaften ze reduzéieren, respektiv auszebremse.

An deem Zesammenhang wéilt ech de Ministeren dës Froe stellen:

1. Kann de Minister erklären, firwat et richteg a wichteg ass, mat de Verrieder vun de verschiddene Reliounsgemeinschaften iwwert d'Schutzmesuren an d'Impfen ze schwätzen? Gesäit de Minister hei Nohuelbedarf vu Säite vun de Reliounsverrieder?
2. Hunn all d'Verieder an der Reunioun sech zu de Virdeeler vun der Impfung bekannt?
3. An d'Reunioun waren nëmme Verrieder vun de konventionéierte Glawensgemeinschaften invitéiert. Laut eegenen Ugaben hunn, zum Beispill, d'Zeuge Jehovas iwwer 2000 Memberen zu Lëtzebuerg a si fir hier Retizienz, wat verschidde medezinesch Versuerungen ugeet, bekannt. Hunn d'Minister sech och mat dëse Leit zesummegeesat, fir si iwwert Virdeeler vun enger Impfung z'informéieren?

Mat déiwem Respekt,

GOERGEN Marc

Député



www.piraten.lu